

COMUNICÂT STAMPE

LA SCREE DAL DOCUMENTARI FINANZIÂT DE ARLEF AL CINE VISIONARIO DI UDIN

MUSICHE: D'AGOSTINI AL CONTE LA STORIE DI "JNK-OLTRI LA ULTIME FRONTIERE"

Doman ai 28 di Avost aes 19.30 ancje il concerti dai Jonokognos

Udin, ai 27 di Avost - Cinc zovins cu la passion de musiche a vincin un concurs par cjançons in lenghis minoritariis in Friûl Vignesie Julie e a partecipin ae finâl europeane a Xixon tal Principât des Asturiis, in Spagne. La musiche e il viaç a vierzin prospetivis di aprofondiment su tantis cuistions: la amicizie, lis batais jenfri gjenerazions, il vivi intun teritori lontan dai grancj centris, lis lenghis minoritariis.

E je cheste la trame dal gnûf documentari di Marco D'Agostini "JNK-Oltri la ultime frontiere" che al sarâ presentât in anteprime al public doman, miercus ai 28 di Avost, aes 21, al cine Visionario di Udin.

Il progjet, che al è stât finanziât de ARLeF - Agenzie regionâl pe lenghe furlane in grazie dal bant par sostignî lis ativitâts che a promovin la lenghe furlane te editorie, al conte un "on the road" Friûl-Asturiis cuntun lengaç vivarôs che al dopre la esperience de selezion dai partecipants a SUNS 2012, il grant event - simpri inmaneât de ARLeF - che si è tignût a Udin e che al à vût ospits lis plui interessantis espressions artistichis e musicâls in lenghe di minorance, par rivâ a fevelâ ancje dal mont di une gjenerazion di personis jenfri i trente e cuarante agns e des lôr pôris, aspirazions, prospetivis pal avignî.

Ancje l'autôr dal documentari, il regjist indipendent Marco D'Agostini, nol è gnûf a chest teme: al veve di fat za zirât par RAI3 "Lingue in musica" in ocasion dal Liet International 2011, la plui grande vetrine musicâl europeane tes lenghis mancul pandudis.

Te ocasion de anteprime al public, aes 19.30 si tignarà ancje un concerti dai Jonokognos, la band finaliste al Liet International 2012 cul toc "Mai mai" e un dai grups rock atîfs di plui agns te sene musicâl furlane.

Info: Elisabetta Pozzetto

0039 0432 555724 mob 0039 335 8002058 elisabetta.pozzetto@regione.fvg.it